

# Sekretariat khas sebar konsep wasatiyyah

KUALA LUMPUR 28 Sept. - Kerajaan disaran menjalin-kan kerjasama dengan insti-tusi pengajian tinggi Islam di negara ini khususnya Uni-versiti Islam Antarabangsa (UIA) atau Universiti Sains Islam Malaysia (USIM) bagi menubuhkan satu sekretar-iat khas yang akan bertang-gungjawab menyebarkan konsep wasatiyyah.

Setiausaha Veteran UMNO, Datuk Mustapha Yaakub berkata, langkah itu perlu bagi merealisasikan konsep tersebut yang boleh dimanfaatkan seluruh ne-gara Islam melalui semi-nar dan forum di peringkat antarabangsa.

"Kami yakin, sekiranya pendekatan wasatiyah ini diamalkan, maka Islam akan menjadi satu agama yang amat syumul (menye-luruh) dan umat Islam akan mencipta satu tamadun baharu yang akan menjadi ikutan semua agama lain," katanya dalam kenyataan di sini hari ini.

Beliau mengulas sesi debat umum oleh Perdana Menteri, Datuk Seri Najib Tun Razak dalam Perhim-punan Agung Pertubuhan Bangsa-Bangsa Bersatu (UNGA) ke-69 semalam yang membentangkan agenda ke-sederhanaan dalam menan-gani hal ehwal antarabangsa termasuk ekstremisme.

Mustapha turut menyif-atkan pengisian ucapan Perdana Menteri berterus-terang dan penuh berhik-mah daripada pemimpin berwawasan dengan mengambil pendekatan se-derhana seperti yang disa-rankan oleh Islam.

"Ianya bertepatan den-gan pengertian 'ummatan wasata' dan 'khairul umur awsatuha' (sebaik-baik pekerjaan adalah sederha-na)," tambahnya.